

# Byalwankamuxakaxibalo bya R15m byi pfuxeteriwa ku vuya emakete

**Tshwane, 7 Ndzati 2021** – Vukorhokeri bya Xibalo bya Afrika-Dzonga (SARS) na Vukorhokeri bya Maphorisa bya Afrika-Dzonga (SAPS), hi nseketelo wa vumaki bya mabyalwa, swi vhumbunurile guxeta eMpumalanga laha byalwankamuxakaxibalo bya nkoka wa R15-million a byi pfuxeteriwa leswaku byi vuya emakete.

Ku tlula 12 700 wa tikheyisi ta byalwankamuxakaxibalo ti kumiwile endhawini no tekiwa ku landzela ndzavisiso wo leha ku ringana lembe.

Vatirhi va SARS na SAPS va tlhele va kuma switirho swo hundzuluxa swimakiwa swa ntiyiso. Mabodlhela na mabokisi lama byi tleketliwaka hi byona ma na tilebulu leti kombisaka leswaku ximakiwa i nkamuxakaxibalo naswona byi rhumeriwa emakete wa matiko mambe.

Hambiswiritano, vangungumerisi swa swimakiwa leswi va susile tilebulu leti ku suka eka mabodlhela no ti siva, eka swiyimo swin'wana va sivile swipfalo swa mabodlhela no susa tikhodi ta vutitivisi emabokisini.

Khomixinara wa SARS Edward Kieswetter u vurile leswaku vangungumerisi va byalwa lebyi nga riki enawini va le ku vaviseni ka vumaki bya laha kaya enkarhini lowu miyiriso ya Covid a ya ha ri xiphiko lexikulu eka vumaki.

“Xendlo xexo xa vugevenga xi nge kondzeleriwi kambe xi ta tlhontlhiwa, naswona lava tingheneleriseke eka netiweke leyi yo ngungumerisa va ta tengisiwa. SARS yi na matimba mo lwa na vuxavisi lebyi nga riki enawini naswona nghingiriko wolowo swi le rivaleni leswaku a wu le nawini no va mphikizano lowu voyameleke etlhelo rin'we

“Hi tinyiketerile ku endla swi nonoha no durha eka muhakelaxibalo kumbe muxavisi un'wana na un'wana loyi a nga landzeleriki milawu ya tiko ya xibalo kumbe ya khasitomo. Kwalaho, ndzi lava ku lemuka no khensa valavisisi eka vutinyiketeri na mphikelelo wa vona eka mhaka leyi.”

Mayelana na vuxokoxoko byo tala, tihlanganise na [SarsMedia@sars.gov.za](mailto:SarsMedia@sars.gov.za)